


School-Based Medicaid Claiming Program

Palubosan dagiti paglintegan ti estado ken pederal ti Departamento ti Edukasion tapno mangidatag iti kiddaw iti pederal tapno maisubli ti paset ti naibayad a para kadagiti nasken a medikal ken nasken nga edukasional a serbisio a mainaig iti salun-at a maited iti babaen ti Programa iti Edukasion a Para iti Indibidividual (Individualized Education Program) wenna IEP. Mabalina a mairaman kadagiti serbisio dagitoy:

- Dagiti ebaluasion a maikeddeng a nasken a kas paset ti proseso iti IEP
- Pisioterapia (Physical Therapy)
- Terapiya Okupasional (Occupational Therapy)
- Dagiti Serbisio iti Panagdengnggeg (Audiology Services)
- Terapiya iti Pagsao a Lengguahe (Speech Language Therapy)
- Dagiti Serbisio iti Pagasistir a Teknolohia (Assistive Technology Services)
- Dagiti Serbisio iti Pannakataripato ti Salun-at (Skilled Nursing Services)
- Dagiti Serbisio iti Salun-at ti Panunot (Behavioral Health Services)

Ti Med-QUEST, ti programa iti Medicaid ti Estado, ket mabalina nga isubli iti Departamento ti Edukasion ti paset dagiti naibayad kadagiti maipalubos a serbisio. Daytoy ket napateg a panangpondo ti pederal a para kadagiti eskuela publika. Nasken laeng a maited dagitoy a kasapulana:

- Ti pamalubos ti nagannak ket maited tapno makipartisipar iti Programa iti Gannuat-ti-Eskuela a Pannakaisubli ti Gastos iti Medicaid (School-Based Medicaid Claiming Program);
- Ti/Dagiti serbisio ket maikeddeng a kas nasken a medikal ken nasken nga edukasional a serbisio a mainaig iti salun-at babaen ti IEP ti estudianteng; ken
- Kualipikado ti estudianteng iti Med-QUEST.



School-Based Medicaid Claiming Program

Hawaii State Department of Education

Health Care Contracts & Reimbursement

475 22nd Avenue

Honolulu, HI 96816

Phone: (808) 305-9787

Fax: (808) 733-9154

Email: HCCR@notes.k12.hi.us

SCHOOL-BASED MEDICAID CLAIMING PROGRAM

Hawaii State Department of Education
Health Care Contracts & Reimbursement

475 22nd Avenue, Honolulu, HI 96816


Phone: (808) 305-9787

Fax: (808) 733-9154

Email: HCCR@notes.k12.hi.us

The Hawaii State Department of Education's School-Based Medicaid Claiming Program

OVER VIEW AND ANNUAL NOTIFICATION FORM



Iti babaen ti Linteg iti Edukasion Kadagiti Indibidual nga Addaan Disabilidad (Individuals with Disabilities Education Act) wenna IDEA, 34 CFR §300.154(d)(2)(v) ken iti Linteg iti Kinapribado Dagiti Karbengam iti Edukasion ti Pamilia (Family Educational Rights Privacy Act), 24 CFR §99, dagiti ahensia publiko ket nasken a mangtedda iti naisurat a pakaammo kadagiti nagannak/agay-aywan iti ubing sakbay a makisarita iti umuna a gundaway maipanggep kadagiti benepisio nga it-ited ti turay iti ubing wenna nagannak, sakbay a makaala iti para iti maminsan-a-makiddaw a pammalubos ti nagannak ken iti tinawen kalpasanna. Ti naisurat a pakaammo ket ilawlawagna dagiti amin a pannalaknib a mabalin a maited kenka, iti kasta, maipanamna a maammuam amin dagiti karbengam sakbay a mapalubosan ti Departamento ti Edukasion (Departamento) a makisarita maipanggep kadagiti para iti anakmo wenna para kenka a benepisio nga ited ti turay ken seguro (kas koma, Medicaid/Med-QUEST) tapno agkiddaw iti pannakaisubli iti paset ti naibayad para iti nasken a medikal ken nasken nga edukasional a serbisio a mainaig iti salun-at a maited iti babaen ti Programa iti Edukasion a Para iti Indibidual (Individualized Education Program) wenna IEP ti anakmo.

Karbengam ti makaawat iti pakaammo iti maawatam a lengguahe. Nasken a tinawen nga ikkannaka ti Departamento iti naisurat a pakaammo maipanggep kadagiti karbengam a maawatan ti kaaduan ken iti nakayanakan a lengguahe ti nagannak, malaksid no talaga a saan a mabalin.

Ti kompidensial nga impormasion maipanggep iti anakmo ket saan a maibinglay no awan ti pammalubosmo. Babaen ti panangitedmo iti maminsan-a-makiddaw a pammalubos ti nagannak, maawatam a ti Departamento ket mabalina nga ibinglay ti personal nga impormasion a pakaam-ammuan ti anakmo a nailanad iti IEP ti anakmo (kas koma, nagan ti estudiante, adres, petsa ti pannakayanak, numero ti identipikasion ti estudiante, disabilidad, dagiti petsa dagiti serbisio, ken tipo dagiti serbisio a naited). Malaksid iti daytoy, maawatam a ti Departamento ket mabalina a singiren ti pederal iti paset ti bayad a para kadagiti nasken a medikal ken nasken nga edukasional a serbisio a mainaig iti salun-at iti babaen ti IEP ti anakmo. Ti Departamento ket mabalin a makisarita maipanggep kadagiti benepisio nga it-ited ti gobierno para iti anakmo wenna para kenka ken iti segurom ken iti seguro ti anakmo tapno mabayadan dagiti kakastoy a serbisio.

Adda karbengan ti anakmo kadagiti serbisio ti Espesial nga Edukasion nga awan ti bayadam. Maipanggep iti rekisito ti Departamento a mangipaay iti Libre a Maikanatad nga Edukasion a Para iti Publiko (Free Appropriate Education) wenna FAPE iti kualipikado nga ubing iti babaen ti IDEA, ti Departamento ket dina piliten ti estudiante nga agpalista iti Med-QUEST tapno makaawat iti Libre a Maikanatad nga Edukasion a Para iti Publiko.

Babaen ti napirmaan a pammalubos ti nagannak, dagitoy sumaganad a karbengan ket naiget a mapagtalinaed:

- Awan ti bayadam, kas koma iti maikissay iti sueldo wenna bingay a pagbayad;
- Saan nga agresulta ti panangited iti pammalubosmo ti panagbayadmo kadagiti serbisio a rumbeng laeng koma a sakupen ti Med-QUEST gapu ta mabalin a masapul ti ubing dagitoy a serbisio no awan serrek iti eskuela;
- Saan a kissayan ti pammalubosmo ti panawen ti pannakasaluad iti unos ti panagbiag wenna ti/dagiti ania man a naiseguro a benepisio;
- Saan nga agresulta ti pammalubosmo iti ingingina dagiti bayadam a premium wenna iti pannakaisardeng dagiti benepisio wenna seguro; ken



- Saan nga ibunga ti pammalubosmo ti ania man a pannakapukaw ti kalintegam para iti pannakataripato iti bukod a pagtaengan ken komunidad (home and community-based waivers) a naibasas iti pakabuklan dagiti magastos a mainaig iti pannakataripato ti salun-at.

Mabalino nga ibabawi ti pammalubos ti nagannak iti ania man nga oras. Iti kanito nga intedmo ti pammalubos ti nagannak para iti pannakaibinglay ti kompidensial nga impormasion iti Med-QUEST, addaanka iti legal a karbengan iti babaen dagiti regulasion ti FERPA a mangibabawi iti pammalubos iti ania man nga oras.

No piliem ti di mangted iti pammalubos wenna ibabawim ti pammalubosmo, ti Departamento ket nasken nga ipaayna dagiti kasapulan a serbisio, nga awan ti bayadam. No piliem ti saan a mangited iti pammalubos para iti pannakaibinglay ti personal nga impormasion ti anakmo iti Med-QUEST, wenna ibabawim dayta a pammalubos, di maikkat ti responsibilidad ti Departamento a mangipanamna nga amin a kasapulan a serbisio ket maipaay iti anakmo, nga awan gastosmo.

MAMINSAN-A-MAKIDDAW A PAMMALUBOS: Ti Departamento ket masapul a mangited iti naisurat a pakaammo ken mangala iti maminsan-a-makiddaw a pammalubos sakbay a makisarita iti umuna a gundaway iti Med-QUEST. Babaen ti panangited iti pammalubos ti nagannak, ti/dagiti nagannak/agay-aywan ipalnaadna nga isuna ket maawatanna dagiti karbenganna ken umannugot a makisarita ti Departamento iti Med-QUEST.

ELEKTRONIKO A PAKAAMMO: Ti pammalubosmo ket nasken a naisurat, napirmaan, ken napetsaan. Ti pammalubos ket mabalin a maited a naisurat iti papel wenna babaen ti wagas elektroniko. No ti pammalubos ket maited iti wagas elektroniko, ti maisumite ket paneknekanna a sika ti tao a nangted iti pammalubos, isu a mairaman ditoy ti elektroniko a pirma ken petsa; ken mailanad nga inaprobaram ti nailanad iti pammalubos.

TINAWEN A PAKAAMMO: Kalpasan a maalana ti maminsan-a-makiddaw a pammalubos, ti Departamento ket kasapulan a mangited iti pakaammo iti tinawen kalpasanna kadagiti nagannak dagiti estudiante nga addaan iti disabilidad.